

平 一念還鄉寂處三宮罩清靈萬派歸源浩浩神光來去透
骨綿綿行人頓除造作待功成指日登仙未行者向詞中明取
一言

上丹霄 迷惑

洞天清神山秀少人行盡貪戀世夢崢嶸仙風瑞景眼前雖頓
卻如盲愛河終日競浮沈來往縱橫 東方出西方沒南方死
北方生四方轉異類翻騰區區甚日道眸開闢欲心更願將靈
質悟空華彼岸高登

其二 贈京兆府統軍夾谷龍府

感皇恩承天詔控西南大門敞高對煙嵐雙權再任過期無代
道藏輯要 礪溪集 齋 又胃集三

復登三晏然軍國事和平災害封緘 年將暮心歸道搜玄路
訪清談降尊寵謙下無慚山人放曠本來無得有何參但能慈
忍戒荒淫名挂仙銜

其三 答隴州防禦裴滿鎮國

厭塵勞拋家計慕清閑向物外觀照人間須臾變滅蜃樓欲側
海濤翻暫時光景轉身体百歲如彈 掀天富傾城麗過人勇
徹心姦盡逐境顛倒循環紛紛醉夢往來爭奪苦摧殘不如及
早伴煙霞高卧雲山

月中仙 賞月

日色西沈上高臺迥觀天地寥廓踈星隱現空一輪明月昭昭

無著皓然三界外似百鍊青銅鑑躍處處恩光被家家照臨庭
戶啟溟漠 長生萬里清風助乾坤蕩搖雲霧難作仙宮寶殿
正爛霞金碧相輝參錯大哉銷夜景鎮千古含弘磊落有志攀
青桂蟾宮兔邊看搗藥

其二 山居

側磬懸鍾慕巢由隱淪清計蕭索天然耿介愛一身孤僻逍遙
雲壑利名千種事我心 上何曾挂著幸遇清平世諸軍宴安刀
劔罷揮霍 民歌兩穗之豐教門與我忘三島之約來賓去友
遞日常幽谷驂鸞騎鶴洞前無限景異花秀香風噴薄更謝泮
源眾友餐助余長嘯樂

道藏輯要

潘溪集

奎

又胃集三

其三 對松

落落長松倚浮雲大山高占幽僻亭亭隱士愛洞天巖穴深藏
虛極對門開是景挂猿狖離羅峭壁盡日無他事唯調虎龍交
媾坐磐石 時時鶴聽嘉音動笙簧轉流壑外飄散人明至道
惡管絃幽噎花間沉溺出羣常羨此歲寒重孤凝黛色鍊性超
於彼身閑永同居壽域

瑤臺月 自詠

平生懶墮只贏得無憂 一枕高卧蓬頭垢面不管形骸摧挫任
三光日夜奔馳放四大林泉擔荷深溪畔幽巖左青山擁白雲
鎖災禍雷轟電掣無由近我 日午起行了還坐把舊習般般